

Gnéithe rochtana ag Leabharlann Chaisleán Thigh Motháin

Chun eolas a fháil maidir le rochtain ar Leabharlann Chaisleán Thigh Motháin ar iompar poiblí, feic leathanach Leabharlann Chaisleán Thigh Motháin ar láithreán gréasáin Leabharlanna Átha Cliath Theas www.southdublinlibraries.ie. Coinneofar suas chun dáta é seo maidir le hiompar poiblí a fhreastalaíonn ar an leabharlann. Tá roinnt spásanna páirceála inrochtana in aice láimhe i gcarrchlós Chomhairle Contae Átha Cliath Theas.

Is ionad atá i Leabharlann Chaisleán Thigh Motháin ina bhfuil go leor acmhainní a fhreastalaíonn ar an bpobal go léir. Tá an Leabharlann tiomanta do chinntiú go bhfuil an rochtain is leithne agus is féidir ag gach ball den phobal ar a stoc agus ar a seirbhísí ar féidir leo cáilíocht beatha gach custaiméara a bhreisiú agus a fheabhsú. Áirítear anseo daoine atá faoi mhíchumas nó a bhfuil cúnamh ag teastáil uathu ó am go ham ar chúiseanna áirithe.

Foireann

Tá oiliúint faighte ag an bhfoireann i ngnéithe áirithe d'fheasacht mhíchumais agus tá siad sásta i gcónaí aon cúnamh agus is féidir leo a thabhairt chun seirbhís aonair a thabhairt do gach custaiméir sa Leabharlann.

Rochtain ar an bhFoirgneamh

Tá rampa ag an mbealach isteach ag an taobh agus tá doirse uathoibríocha ann. Tá leithreas poiblí inrochtana ann chomh maith agus cathaoir rothaí idirthurais do chustaiméirí a dteastaíonn cúnamh uathu. Tá páirceáil mhíchumais ar fáil sa charrchlós. Tá áit chomh maith ar féidir le daoine i gcathaoir rothaí scríobh ann. Tá closchóras lúb ionduchtúcháin ag an gcuntar.

Trealamh

Scanóir agus bogearraí Kurzweil

Tugann an trealamh seo deis do chustaiméirí cáipéis priontáilte a scanadh agus dul tríd an ábhar trí chaint tháite. Tig le daoine a bhfuil lagú amhairc, disléicse nó fadhbanna léitheoireachta ginearálta acu é a úsáid.

Méarchlár agus Luchóg Oiriúnaithe

Ceadaíonn ríomhairí a bhfuil méarchlár mór agus luchóg le liathróid rollóra acu d'úsáideoirí le soghluaisteacht teoranta lámhe a mbealach a dhéanamh timpeall ar ríomhaire.

Scáileán Tadhail

Ceadaíonn an scáileán seo do chustaiméir ríomhaire a úsáid trí lámh a leagan ar an scáileán seachas luchóg a úsáid. Tá an áis seo ar ríomhaire a haon.

Formhéadaitheoir Cló CCTV

Méadaíonn an formhéadaitheoir seo leathanach clóite agus léirítear é ar scáileán. Is féidir an scáileán a athrú chuig pé bealach is fearr leis an duine, e.g. cló bán ar chúlra dubh, etc.

Boird Ríomhairí le Rochtain Uilíoch

Roghnaíodh ár mboird ríomhairí mar go bhfuil rochtain uilíoch acu.

Bogearraí

Zoomtext

Cuireann an bogearra seo ar chumas daoine a bhfuil fadhb amhairc acu téacs a mhéadú ar scáileán ríomhaire chuig pé mhéid a fheileann dóibh. Is féidir é a úsáid le caint tháite a léann a bhfuil ar an scáileán chomh maith.

Seirbhísí agus Stoc

Leabhair le Cló mór agus Closleabhair

Tá réimse fairsing leabhar do dhaoine fásta agus do leanaí againn i gcló mór agus closleabhair ar CD a fheilfidh do dhaoine a bhfuil laguithe cló agus deacrachtaí léitheoireachta acu. Tá closleabhair soghluaiste réamhullmhaithe ar fáil chomh maith a oibríonn cosúil le seinnteoir MP3.

Láithreán Gréasáin na Leabharlanna

De bharr go bhfuil rochtain 24 uair an chloig againn, tig le custaiméirí clárú ar líne, catalóg na leabharlaine a chuardach, ábhar leabharlaine a chur in áirithe, a gcuntas a bhainistiú, eolas a fháil maidir le himeachtaí agus cláir sna leabharlanna ar fad agus rochtain a fháil ar réimse acmhainní tagartha ar líne. Tá Leabharlanna Contae Átha Cliath Theas tiomanta do chinntiú go bhfaigheann a láithreán gréasáin www.southdublinlibraries.ie caighdeán comhlíonta "Double-A" le Web Content Accessibility Guidelines (WCAG) 1.0 de chuid Feadhnacht an Ghréasáin Dhomhanda (W3C).

Seirbhísí ar Líne

Áirítear i measc ár seirbhísí tá closleabhair ar féidir a íoslódáil atá oiriúnach do dhaoine a bhfuil deacrachtaí amhairc nó léitheoireachta acu.

Socrúchán Oibre

Éascaíonn an leabharlann socrúchán oibre do dhaoine faoi mhíchumas. Pléitear riachtanais ar leith an duine roimh ré lena chinntiú go leagtar amach rudaí i gceart dóibh.

Ar Deireadh

Cuir ar an eolas muid má táimid in ann aon chúnaimh a thabhairt duit. Táimid sásta i gcónaí foghlaim le seirbhís níos fearr a chur ar fáil d'ár gcustaiméirí.